



Cuncursu de carrasegare:

Istrutziones de sighire.

Pro su carrasegare, s' Agregatzione Sobracomunale pro sa tutela de sa limba sarda cumposta dae sas Comunas de Oroteddi, Orane, Otzana, Onieri, Sarule, 'Onne, Mamujada, Uliana, Durgale e Orgòsulo cun s'Isportellu linguìsticu organizant unu Cuncursu de Carrasegare pro sos pitzinnos dae sos 3 a sos 14 annos.

Su Cuncursu est gosi partzidu.

- 1) Pro sos pitzinneddos dae sos 3 a sos 5 annos: **Disinna su carrasegare;**
- 2) Pro sos pitzinneddos dae sos 6 a sos 10 annos: **Istòria e traditziones de su Carrasegare de sa bidda tua**
- 3) Pro sos pitzinnos dae sos 11 a sos 14 annos: **Su carrasegare in poesia!.**

Francu sos pitzinneddos de s'iscola de s'infàntzia, sos àteros partetzipantes depent iscrìere su contu o sa poesia in limba sarda segundu sa variante de sa bidda in ue istant. Pro pòdere partetzipare a su cuncursu tocat de s'iscrìere imprende sos mòdulos chi si podent leare in sa Comuna o in s'Isportellu de sa bidda. S'at a dèpere finas iscrìere si su traballu est istadu fatu a sa sola o in grupu.

Totu sos traballos, disegnos e iscritos, depent èssere firmados (nùmene, sambenadu, bidda) e depent èssere cunsignados a manu (**intro de una busta serrada e non firmada**) a s'isportellu Linguìsticu de sa Bidda de residèntzia de sos partetzipantes a su Cuncursu o imbiada pro imeil a ufitziulimbasarda@gmail.com **non prus tardu de sas 6 de sero de su 1 de martzu 2019.**

Sos tarballos ant a èssere valutados dae una Commissione competente chi at a èssere presente sa die (prus a mancu su 6 de martzu 2019 a sas 5 de sero, su logu est galu dae detzidere) de sa mustra de sos traballos e chi at a dare sos donos a sos cuncurrentes